

Novi pristup EU



Evropska unija, trenutno pod predsjedavanjem Mađarske, može pomoći Bosni i Hercegovini da prevaziđe politički zastoj i vrati se na put koji vodi ka EU, rekao je visoki predstavnik i specijalni predstavnik EU Valentin Inzko danas u Budimpešti tokom sastanka sa ministrom vanjskih poslova Jánosom Martonyijem.

Visoki predstavnik i specijalni predstavnik EU je naglasio da osnaženo prisustvo EU, koje se trenutno priprema, predstavlja pravovremen pristup Evropske unije u svjetlu nastavka potpunog političkog zastoja u BiH te je upozorio da neuspjeh u formiranju vlasti na državnom nivou više od šest mjeseci nakon općih izboraugrožava materijalnu dobrobit građana BiH.

Ranije tokom dana, za vrijeme uvodnog govora na mađarskom Institutu za vanjsku politiku, visoki predstavnik i specijalni predstavnik EU je rekao da nova politika EU u Bosni i Hercegovini "uzima u obzir posebne izazove sa kojima se suočava zemlja". Inzko je rekao da će Ured EU imati instrumente posebno prilagođene da spriječe "političku opstrukciju."

Inzko je naglasio da, nakon dužeg perioda prilagođavanja dejtonskog sistema kako bi se poboljšala funkcionalnost, "u zadnje smo četiri godine bili svjedoci zloupotrebe sistema u svrhu opstrukcija i kratkoročnih političkih prednosti." Suočeni sa ovim, Inzko je naveo, "ne možemo napustiti građane Bosne i Hercegovine."

Naprotiv, Inzko je obrazložio da "usredsređenim i odlučnim angažmanom Evropske unije možemo pomoći *ljudima* Bosne i Hercegovine da izađu iz ograničenja postojećih političkih sistema kako bi završili punu integraciju zemlje u EU."

Visoki predstavnik i specijalni predstavnik EU je rekao da mađarsko predsjedavanje "može imati značajnu ulogu kako bi se osiguralo da veliki broj glasača koji žele napredak u Bosni i Hercegovini dobiju podršku i ohrabrenje koje trebaju i zaslužuju."

Visoki predstavnik i specijalni predstavnik EU u Budimpešti se susreo i sa turskim ministrom vanjskih poslova Ahmetom Davutogluom.